



COMUNE DE ROMANA

DELIBERATZIONE DE SA GIUNTA COMUNALE N. 61 DE SU 10/09/2020

OGETU: SERVÌTZIU DE SEGRETARIADU SOTZIALE. INDITOS A SU RESPONSÀBILE

S'annu duamìgia e binti sa die deghe de su mese de Cabudanni a sas oras 09:30, in sa SALA GIUNTA, fatu chi siat esaurimentu de sas formalidades prescritas dae sa lege de s'Istadu e de s'Istatutu, s'est reunida sa Giunta Comunale suta sa presidèntzia de su Sìndigu DOT.RA CATTE LUCIA.

A s'apellu nominale resurtat

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	DOT. ra CATTE LUCIA	EMMO
ASSESSORE	PISANU DARIO	EMMO
ASSESSORE	PIREDDA FABIO	EMMO
ASSESSORE	SANNA MONICA

Presentes n. 3 Ausentes n. 1

Partètzipat su Segretàriu Generale Dr.CARTA GIANCARLO, chi provedit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT.RA CATTE LUCIA, in sa calidade sua de Presidente, leat sa presidèntzia e decrarat aberta sa setziada pro sa tratatzione de s'ogetu marcadu subra.

SA GIUNTA COMUNALE

Premìtidu chi est intentzione de s'Amministrazione Comunale ativare su servìtziu denumenadu "Segretariadu Sotziale" a in intro de sa programmatzione de sos interventos chi faghent parte de s'Àrea Sòtziu-Culturale;

Cunsideradu chi su segretariadu sotziale est una parte de su sistema integradu de interventos e servìtzios sotziales de sos cales a livellu locale sunt titulares sos comunes. Su contenu de s'atividade de segretariadu sotziale no est definidu a manera pretzisa dae sa lege natzionale (art. 22 comma 4 Lege 8 de santandria 2000 n. 328), chi acòstiat custu setore a cussu de su servìtziu sotziale professionale tenende.lu però distintu e indirizende.lu a cara a s'informatzione e a sa consulèntzia a sos s'ingulos e a sos nùcleos familiares;

Averiguada sa situatzione ligada a s'emergèntzia epidemiològica Covid 19, chi at cumportadu s'aumentu cunsighente de sos bisòngios de su tessutu sotziale e sa netzessidade de agiudare sas fàscias prus débiles de sa populatzione, pro cussu si faghet netzessàriu protzèdere a s'ativatzione de su Servìtziu de segretariadu Sotziale e frunire sos inditos a su Responsàbile de su setore pro chi providat a s'adotzione de sos atos cunsighentes a su deliberadu presente, finalizados a s'ativatzione de su servìtziu in argumentu pro mèdiu de esternalizatzione;

Apretziadu chi s'importu de s'ispeza pluriennale complessiva (in tempus de 15 meses) resurtat istimadu in € 18.000,00, ogni ònere fiscale inclùdidu, cun possibilidade de rennou de àteros 12 meses;

Reconnòschida, pro cussu, sa netzessidade de providire in mèritu;

Achisidos sos parres favorèvoles dados in cunforma a s'art. 49 de su d.lgs. n. 267/2000 e mm.ii.ii.;

Cun votos de acordu esprimidos in sos modos e in sas formas de lege;

DELÌBERAT

1. De ativare su servìtziu relativu a su "Segretariadu Sotziale" a in intro de s'Àrea Sòtziu-Culturale dae su 1 de santugaine 2020 a su 31.12.2021, cun possibilidade de rennou pro totu s'annu 2022;
2. De dare atu chi s'ispeza complessiva a s'occasione previdida agatat cobertura finantziària cun resursas postas in su Bilàntziu de previsionone 2020/2022 e, in particolare:
 - Annu 2020: € 6.000,00
 - Annu 2021: € 12.000,00
3. De incarrigare sa responsàbile de sos servìtzios sotziales de sos atos cunsighentes

PARRE DE REGULARIDADE TÈCNICA

In cunforma a s'art. 49 c. 1 de su T.U.E.L. su Dirigente/P.O. Dot.ra **CONTINI ANTONELLA** in data **10/09/2020** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c. 1 de su T.U.E.L. su Dirigente/P.O. **CALARESU CARMELA** in data **10/09/2020** at esprimidu parre **FAVORÈVOLE**

Su Presidente

SU SEGRETÀRIU COMUNALE

Sìndigu Dot.ra CATTE LUCIA

DOT. CARTA GIANCARLO

NOTA DE PUBBLICAZIONE N. 496

In cunforma a s'art. 124 de su T.U. 267/2000 su responsàbile de sa Pubblicazione **DOT. CARTA GIANCARLO** atestat chi in data 03/09/2020 s'est protzèdidu a sa publicazione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduzione de s'operadora de s'isportellu linguisticu de Romana
Maria Leonarda Correddu

